



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13 i i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2015. GODINU HRVATSKE KRŠĆANSKE DEMOKRATSKE UNIJE BOSNE I HERCEGOVINE

Broj: 03-07-6-370/16
Sarajevo, 22. februar 2017. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI	5
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatske kršćanske demokratske unije Bosne i Hercegovine za 2015. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskog izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2015. godinu, utvrđeno je da je Hrvatska kršćanska demokratska unija Bosne i Hercegovine prekršila odredbe člana 11. i člana 12. Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Hrvatske kršćanske demokratske unije Bosne i Hercegovine za 2015. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Hrvatska kršćanska demokratska unija Bosne i Hercegovine se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	1,71	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	1.200,18	3,48
7.	Prihodi iz budžeta (3-f)	33.289,84	96,52
8.	Prihodi od propagande (3-g)	0,00	0,00
9.	Ostali prihodi	0,00	0,00
I	Ukupni prihodi (1-9)	34.491,73	100,00
II	Kreditno zaduženje kod banaka	0,00	0,00
	Izvori finansiranja (I+II)	34.491,73	100,00

U godišnjem finansijskom izvještaju stranka je iskazala rashode u ukupnom iznosu od 9.366,30 KM.

2. PREDSTAVLJANJE POLITIČKE STRANKE

Naziv političke stranke je Hrvatska kršćanska demokratska unija Bosne i Hercegovine. Skraćeni naziv stranke je HKDU BIH.

Politička stranka je registrovana kod Županijskog suda u Livnu, Rješenjem broj: R-1-7/96 od 14.06.1996. godine.

Hrvatska kršćanska demokratska unija Bosne i Hercegovine je izvršila ponovni upis kod Općinskog suda u Mostaru, pod brojem: R/3-09 od 26.10.2009. godine i R/5-14 od 08.12.2014. godine.

Sjedište političke stranke je u Mostaru, Dr. Mile Budaka 126.

Lice ovlašteno za zastupanje stranke je Ivan Musa, predsjednik.

Lice ovlašteno za podnošenje finansijskih izvještaja za 2015. godinu je također, Ivan Musa.

Prema podacima iz godišnjeg finansijskog izvještaja za 2015. godinu, Hrvatska kršćanska demokratska unija Bosne i Hercegovine ima sljedeću organizacionu strukturu:

- Središnji ured,
- 2 kantonalna/ županijska odbora i
- 14 općinskih odbora.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Hrvatske kršćanske demokratske unije Bosne i Hercegovine za 2015. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Hrvatske kršćanske demokratske unije Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na nenovčane donacije i prihode iz budžeta.

4. PRETHODNE KONTROLE I REVIZIJE

Služba za reviziju je izvršila pregled, kontrolu i reviziju finansijskih izvještaja Hrvatske kršćanske demokratske unije Bosne i Hercegovine u periodu od 2007. do 2014. godine, nakon kojih su izdati izvještaji o pregledu i reviziji sa mišljenjem revizora, nalazima i preporukama revizije.

Nakon izvršenog pregleda finansijskog izvještaja za 2014. godinu, izdat je izvještaj o pregledu sa mišljenjem revizora, nalazima i preporukama stranci: da vodi adekvatne evidencije u svojim poslovnim knjigama, da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i da finansijske izvještaje koje podnosi Centralnoj izbornoj komisiji BiH dostavlja u skladu s rokovima propisanim Zakonom o finansiranju političkih stranaka i Izbornim zakonom BiH.

Nerealizovane preporuke:

Na osnovu uočenih nedostataka u godišnjem finansijskom izvještaju za 2015. godinu, utvrđeno je da Hrvatska kršćanska demokratska unija Bosne i Hercegovine dio datih preporuka nije ispoštovala.

5. NALAZI I PREPORUKE

5.1. NALAZI

Hrvatska kršćanska demokratska unija Bosne i Hercegovine je prekršila odredbe člana 11. i člana 12. stav (1) i (3) Zakona o finansiranju političkih stranaka¹.

Uvidom u finansijski izvještaj, poslovne knjige stranke i drugu finansijsku dokumentaciju, utvrđeno je da je stranka, suprotno odredbi člana 11. Zakona² u poslovnim knjigama evidentirala nepostojeće obaveze u iznosu od 4.858,00 KM, te iste prijavila u finansijskom izvještaju, koji je podnijela Centralnoj izbornoj komisiji BiH.

Stranka je iskazala obavezu prema Hotelu Brotnjo d.o.o. Čitluk u iznosu od 1.148,50 KM, te navela da je ista nastala 31.03.2013. godine i obavezu prema pravnom licu Kora-Fin d.o.o. Široki Brijeg u iznosu 3.709,50 KM, za koju navodi da je nastala 30.04.2010. godine.

¹ Zakon o finansiranju političkih stranaka („Službeni glasnik BiH“, broj 95/12).

² U skladu sa odredbom člana 11. Zakona o finansiranju političkih stranaka, politička stranka je dužna voditi poslovne knjige u skladu sa računovodstvenim propisima

Na zahtjev Centralne izborne komisije BiH, Hotel Brotnjo je dostavio odgovor, broj: 11-11/16 od 11.11.2016. godine, u kome navodi da od Hrvatske kršćanske demokratske unije Bosne i Hercegovine nije imao nikakvih potraživanja na dan 31.12.2015. godine.

Po pitanju obaveza prema pravnom licu Kora-Fin d.o.o. Široki Brijeg, Centralna izborna komisija BiH je uputila zahtjev i političkoj stranci i pravnom licu da dostave konfirmacije, odnosno potvrde obaveza i potraživanja. Politička stranka je 31.08. 2016. godine dostavila pismeni odgovor u kome navodi da to pravno lice više ne postoji, pa iz tog razloga nije u mogućnosti dostaviti traženu konfirmaciju.

Zahtjev pravnom licu Kora-Fin d.o.o. Široki Brijeg pošta nije uručila, a na vraćenoj pošiljci je navela da primalac ne postoji.

Time, što finansijski izvještaj nije podnijela u formi koju je propisala Centralna izborna komisija BiH, politička stranka je prekršila odredbe člana 24. Pravilnika o godišnjim finansijskim izvještajima političkih stranaka.

5.2. PREPORUKE

Preporučuje se Hrvatskoj kršćanskoj demokratskoj uniji Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da uspostavi tačne evidencije o obavezama u svojim poslovnim knjigama i*
- *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka*

Komentar

Hrvatska kršćanska demokratska unija Bosne i Hercegovine nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2015. godinu.

Pomoćnik revizora

Mr.sc. Goran Cicović

Šef Službe za reviziju, revizor

Mr. sc. Hasida Gušić